

共五

雁山雜記

安南雜記

臺灣雜記

淡山書


雜記五種

卷二

ル 5
297
2



門名
號 297
卷 2



雁山雜記

鄔陵韓則愈秋巖著

雁山之遊有可愧者一未暢者二可

幸者一予客永嘉十一年矣雁山近

在咫尺而今年才得一遊行住坐卧

即經旬累月不足以贖疎失之愆乃

以廿一日入廿五日出幽巖絕壑有

雜記五卷卷二

交臂而失之者矣此可愧也古人遊覽必攜勝侶一以窮山水之趣一以取倡和之樂既中諸友謀所以同遊者屢矣予既不能作東道主人茗酒款洽而諸君亦艱於裹糧相從雖對佳山水未免孤寂此未暢者一也凡山遊酒脯藥餌一不可缺予所帶已

寒儉可笑而又半爲從者竊用以致奇峰怪石磊落吾前思一盞賞之竟不可得此未暢者又一也所幸往返二十日清秋晴昊無淒風苦雨之患差足慰耳嗟夫遊山亦有緣矣昔東坡在廬山皆不作詩最後始有不識廬山真面目祇緣身在此山中之句

高人以至性與名山勝友相酬酢不
在以惡詩唐突也余遊雁山初欲作
遊記以遊歷未盡不敢率作僅就耳
目之所及者記之題曰雁山雜記客
有問雁山遊况者聊以塞責不足觀
也已酉重陽秋巖老人書東阮竹下
雁山在樂清東北衝三十里縱十里峰

巒秀異足稱海內竒觀惜土氣薄而
石皆骨立開坪偏仄故梵刹興廢不
常不能容衆如靈隱天竺徑山天童
之盛也

入雁山有三路一從大笑蓉入梅雨潭
一從小芙蓉四十九盤入能仁寺一
從大剡驛入石梁洞惟四十九盤爲

新詩 五 雁山
最險若非高興邁往鮮不以爲苦矣
雁山中田少而磽菽麥棉花之外每年
收稻不足千碩往昔盛時如能仁諸
刹皆賴山外之田取租養贍復以差
繁賦重反成大累今盡棄界外僧雖
貧而無追呼之苦得以少安亦佳耳
靈巖寺峰巒爲雁山之冠惜傾圮殆盡

近有僧梅菴自鼓山來剪荆榛犯虎
穴誓願重興若佛菩薩加被得遂其
願使此寺煥然復新其功德真無量
也

羅漢寺爲巨那尊者芙蓉菴故址與誦
經巖正對或以爲未吉徙之幾至陵
替近漢梅監院復移置故址稍改坐

雁山

蔡詩五種卷二 四 雁山
向以誦經巖為用神雖堪輿之言亦
有理也

小龍湫竒特不讓西谷然西谷氣勢高
大終當以第畜之且獨秀諸峰環立
左右爭勝鬪竒遂不得獨擅其妙虬
髯客遇太原公子決意下海正此意
也

雁山無笋以土薄不能蓄竹然瓜架芋
區處處皆有足以自給山居亦不苦
矣

淨名寺一帶石壁如堵牆或名鐵城或
名霞帳壁皆有穴高低不齊山中人
就穴中置蜂房每年取蜜蠟易米東
甌食蜜以雁山者為佳即此也

雁山石多於土唯雁蕩峰頭四湖窪注
泥深數丈深秋蘆花映帶無異江渚
亦大奇事昔有卧雲大師結茅湖畔
大師滅後遊人罕有至其巔者予素
乏濟勝具聞山僧言徒神往耳

能仁寺爲入山第一化城寺亦巨麗聞
昔盛時上司來游雁山者必以此爲

歇宿之地少芙蓉里民挈食物器
供億觀侯二谷樂清縣志則游山誠
樂民之最苦矣今寺燬於寇殘礎斷
椽無復存者惟存鐵鑊一口在荆棘
中重二萬七千觔乃宋時物僧云尚
有一鐘重亦如之爲寇烹分不存矣
雁山之泉無處不佳以水從石出無泥

雜言五種卷二
雁山
渣混濁故與他處不同耳

飛泉寺坐落最好諸刹風水無踰此者
今寺僧尚有二十餘衆衣食豐足嘗
疑佛法一切皆空乃所居之地又以
風水爲衰旺何也

雁山志本山板燬唯飛泉寺尚存一本
以爲山中文獻邑人李寧侯蒐覽載

籍勒成一書可謂良工苦心有功山
靈惜剗削無力尚未行世視舊本殊
勝也

玉甌峰自是高流吐納之地若欲作一
叢林恐未易辨以山峰太高人處石
上不能受土氣何繇發達必欲爲安
僧計亦如靈峰洞下建一靈峰寺但

以此爲遊覽之景則善矣

西祭山水甚佳既至玉甌正好乘便一
遊輿夫苦於草深路峻殊不能強遙
望雲壑不勝引領

溫郡食鹽舊有永嘉雙德長林諸場竈
戶燒煎順治辛丑八月悉棄界外溫
郡無鹽乃令抗商販賣價昂數倍窮

民食淡有經旬不見鹽者甲辰正月
予再過永嘉亟言於新令尹王亦世
曰甌民食無鹽苦極矣盍集士民急
商內地開煎之法以救此殘黎亦世
首肯再言於司李嵇淑子亦首肯迺
力請制臺趙公具題內地開煎永瑞
竈戶則在飛雲渡樂清竈戶則在大

芙蓉小芙蓉白沙嶺一帶於是甌商
復集民間不嗟食無鹽矣己酉八月
予遊雁山道經大小芙蓉見鹽竈鱗
次玉屑雪英飲水思源趙公遺澤不
可忘也

雁山春夏多馬蜚毒物善嚙人流血不
止以燒竹葉塗創血立止昔人云春

近天台秋遊雁蕩正謂此也

雁山雜記終

安南雜記

其人姓李名遂寧李仙根子靜著

交趾之地即安南即交州即日南西北
自交岡來故曰交趾東北界廣西東
界廣東西界雲南西南界老撾即古
哀牢南插入大海中通占城秦漢時
皆郡縣也黎氏王國在富良江西後

三峯山左安子山右傘圓山插人雲
霄富良江左右纏抱前入大海亦南
荒一都會也所屬有十三道五十二
府二百一十九州縣都統莫氏惟高
平一府四州在北隅之東俱無城郭
其人被髮以香蠟梳之故不散跣足
足無塵拊以地皆淨沙也男女衣皆

大領無分別無裙褲女有無摺圍裙
其王與官或時冠帶鞞鞞然非其好
也稱其貴人曰翁茶翁茶者大官也
其牛羊猪燒去毛即割而食之只有
燒酒時刻喫棋擲惟睡夢方停嚼耳
每用藥物塗其齒黑而有光見人齒
白者反笑之惟王宮用黃瓦官民不

敢用瓦以草苫楹棟以竹房檐高四尺許門高不過三尺俛首折腰乃得出入即王殿檐高不過丈許其屋外多種刺竹甘蔗椰子諸樹其果四時生長無定其氣候常煖其土產惟稻無二麥有布最纖輕有蠶桑綿紬曰交兌素絹如畫絹濶二尺多榕樹甘

橘有波羅蜜果如南瓜味微甜中有子如刀豆子皆可食其象牙香藥綿花胡椒茴香醬醋等物皆自外來者無桌椅特爲使臣造二公座甚高大其宴桌圓彩金漆高可尺許舷似花辦其文字與中土同另作數十字多加土傍與使臣往復文書不用也臨

雜記 卷之二 雜記
賀公館在富良江之東去國之十里
許以竹爲牆每天使至一次則加竹
一重其風俗媻蕩無恥洗浴便溺男
女裸體往來坐立不相迴避雖貴家
亦然其豪家稍有牀褥平民則無貴
者以網爲兜兩人擡之大貴者有轎
似車上轎盤脚坐或用八人四人擡

之最可笑者其王傘扇轎夫全體俱
露止用一股青布纏腰從尻下裹勒
至臍雖寒天不着寸衣又皆形狀肥
實名曰好漢聞多係殺人援赦者其
兵止穿大袖青衣一件或二件天暑
即裸并無甲冑其器械尚銃藤牌鎗
刀諸物頗精于飾以之大用殆不足

也頗讀書知文字而好怪異魚傳授
不甚貫通尚巫鬼不奉二氏之教以
能強言者為功故根有四字批評曰
愚曰疑曰詐曰傲愚則不認理疑則
不信人言詐則其言不可信傲則自
謂無罪也此四字如銅墻鐵壁穿不
可破要在廟堂勝算各邊臣措置威

風有以警之耳

新編
五
卷
十
四
安南

安南雜記終

臺灣雜記

昔今山明香梁谿李麒光蓉洲著
金有山雞籠山三朝溪後山主產金有
大如拳者有長如尺者有圓扁如石
子者番人拾金在手則雷鳴於上棄
之即止小者亦間取有出山下水中
沙金碎如屑其水甚冷番人從高望

雜記
卷
十
四

雜記
五
之見者金捧沙疾行稍遲寒凍欲死
矣

火山在北路野番中晝則見烟夜則見
火有大鳥自火中往來番人見之多
死

奇冷山即奇嶺社之山也其山高百丈
臺灣從無冰霜山上三月中尚有末

化者人用
水沙連在半線東山中方數丈其口似
井水深而清天將雨潭中發響水即
混濁溢出潭外番人以此驗陰晴
玉山在鳳山野番中山最高人不能上
月夜望之則玉色璘璘其上有羊一
棵根盤數間葉已成林有鳥巢其上

羽毛五色大於鸛鶴土人指爲鳳
連泥嶋在臺灣之東南其灘皆濕爛人
至泥上即陷沒舟行飄至灘邊亦不
能出高處有番居之最富紅彝曾至
其國其南界可以入海

臺灣多蛇而內山尤大會有一蛇盤草
坡番人用鎗標之中其兩層蛇負痛

旋捲半里草地皆平而蛇死番人取
其皮濶五六尺長三丈又有一蛇能
起地比人人見之即取土擲起呼曰
我高蛇即翻身仰卧舒足盈千人必
散髮示之呼曰我多蛇遂收足伏地
人即取身衣帶盡斷之呼曰我去矣
蛇遂死

暗洋在臺灣之東北有紅窠舟泊其地
無晝夜山明水秀萬花遍滿而上無
居人謂其地可居逐留二百人給以
一歲之糧于彼居住次年復至則山
中俱如長夜所留之番已無一存乃
取火索之見石上留字言一至秋即
成昏黑至春始且黑時俱屬鬼怪其

人遂漸次而亡蓋一年一晝夜云

鴉猴林在南路算目社外與傀儡番相
接深林茂竹行數日不見日色路徑
錯雜傀儡番常伏於此截人取頭而
去今土官加老斯統制之

黑水溝在澎湖之東北乃海水橫流處
其深無底水皆紅黃青綠色重疊連

接而黑色一溝爲險舟行必藉風而
過水中有蛇皆長數丈通身花色尾
有稍向上如花瓣六七出紅而尖觸
之即死舟過溝水多腥臭蓋毒氣所
蒸也

附暹羅記

暹羅國者西洋一彙也歷朝脩貢皆自

福州而入其人知禮義有朝鮮之風
其國皆平壤無城郭有山相距甚遠
山內多犀象及蘇木胡椒等樹番民
所居傍皆栽檳榔收時王分稅之以
售于中國人王出入乘象前導亦鳴
金列戟所戴如兜矛而有銳向前非
玉非金不知其何以爲之也所衣皆

錦而赤脚跣足無靴履此則番彝之俗矣國民俱造高樓云其地通黃河四月水至皆黃色王亦徙居遠山民盡登樓以處牛羊犬豕亦畜於樓上人則乘舟往來蔬薪之屬以小舟貿易夫黃河發源崑崙北行入龍門皆在西徼今又南注於暹羅之域豈其

地與星宿海相連而河流由此入海乎抑行於中國者又別有一道耶且年有水則多收無水則歉禾播於田隨水之大小必高出於水上無淹沒之患故水之來也王必排駕出迎八月水退王又率臣民出送始遷舊居民亦退居樓下矣其國另有宇與中

國異行禮以拱手上額為茶所鑄有
錢兼用貝子有銅器聲大而清今暹
羅銅鼓為音樂所用也其往來之期
乘南風而來臘月北風動則去所帶
貨物以布麥為貴從別洋以行非琉
球呂宋之水道也

臺灣雜記終

